

**TXOJ KEV RUAJ NTSEG NTAWM COV ME NYUAM**


Nws yog ib qho tseem ceeb uas peb yuav tsum tau xyuam xim thaum tsav tsheb, tsis hais seb nyob hauv cheeb tsam muaj tsev kawm ntawv los sis tsis muaj. Txawm tias cov me nyuam yuav nyob coob ze rau ntawm lub tsev kawm ntawv los, txhua txoj kev hauv txhua cheeb tsam uas neeg nyob qee zaus muaj cov me nyuam thiab lwm cov neeg hla kev uas siv txoj kev thiab cov ntug kev rau neeg mus. Kev tsav tsheb raug cai muaj xws li maj mam thiab npaj nres rau cov neeg hla kev, nres thaum uas cov neeg tuav chij rau neeg hla kev hais kom nres, thiab zam rau cov neeg hla kev hauv txoj kab hla kev. Thaum twg ua tau, xav kom cov me nyuam caij npav los sis taug kev mus kawm ntawv kom txo tau qhov muaj tsheb coob thiab qhov phom sij ntawm qhov tsheb khiav mus los ze ntawm cheeb tsam tsev kawm ntawv.

**NRES TSHEB ZE NTAWM COV TSEV KAWM NTAWV**

Lub Nroog Madison Pawg Xyuas Txog Kev Teeb Tsa Cov Kev Tsheb Khiav Mus Los (Traffic Engineering Division) nquag tau txais cov kev thov los ntawm cov niam txiv, cov neeg nyob ib ncig, thiab cov neeg tseem ceeb hauv tsev kawm ntawv hais txog me nyuam txoj kev ruaj ntseg ze ntawm cov tsev kawm ntawv. Cov paib qhia kev uas nyob ib ncig ntawm cheeb tsam tsev kawm ntawv yog txhos rau ntawd qhia rau cov neeg tsav tsheb, cov neeg hla kev, thiab cov neeg caij tsheb kauj vab, thiab muab ib qho chaw txawv rau cov neeg tsav tsheb thiab cov npav tso cov me nyuam tawm ntawm tsev kawm ntawv. Cov Tub Ceev Xwm Xyuas Txog Kev Nres Tsheb yog cov tswj xyuas cov cai no.

**KEV TSO CEEV TUA TAU NEEG TUAG**

Ib tug neeg hla kev uas raug tsoo los ntawm ib lub tsheb uas khiav 20 mph mas tsuas muaj 10% uas nws yuav tuag. Thaum khiav 30 mph mas muaj 45% uas nws yuav tuag. Thaum khiav 40 mph mas qhov no dhia mus rau 85%. Thov maj mam thaum uas muaj neeg hla kev,



tshwj xeeb ib ncig ntawm cov tsev kawm ntawv thiab cov tiaj ua si.

**COV NEEG LAUS HAUV TSEV KAWM NTAWV UAS QHIA NEEG HLA KEV**

Yog thaum muaj ib tug neeg laus qhia neeg hla kev nyob rau ntawm txoj kab hla kev, koj yuav tsum tau ua raws li tus neeg qhia neeg hla kev ntawd hais kom ua.



Thaum uas tsav tsheb los sis caij tsheb kauj vab ntawm txoj kev,

- Nres thaum uas tus neeg qhia neeg hla kev hais kom nres.
- Tsis txhob nres ze tshaj 10 feet ntawm tus neeg qhia neeg hla kev.
- Tsis txhob thaiv txoj kab hla kev los sis txoj kev sib tshuam.
- Nres twj ywm kom txog thaum cov neeg hla kev thiab tus neeg qhia neeg hla kev ntawm mus txog rau tim ntug tso, thiab nres twj ywm kom txog thaum tus neeg qhia neeg hla kev txo nws daim paib qhia kom nres tso. Qhov no yog qhia rau koj tias mus tau lawm.

Thaum uas taug kev los sis caij tsheb kauj vab mus kawm ntawv, yuav tsum tau hla kev nrog ib tug neeg qhia neeg hla kev thaum muaj ib tug nyob rau ntawd. Cov tub ntxhais kawm ntawv uas taug kev mus kawm ntawv thiab cov neeg caij tsheb kauj vab, thiab lawv niam lawv txiv, yuav tsum tau nyob twj ywm ntawm ntug kev rau neeg mus kom txog thaum uas tus neeg qhia kev tau cheem kom tag nrho cov tsheb nres tso thiab hais rau koj tias hla los tau lawm. Cov neeg caij tsheb kauj vab uas hla nrog tus neeg qhia neeg hla kev yuav tsum tau nqis thiab taug kev hla txoj kev.

Txawm tias cov me nyuam yuav nyob coob ze thiab ib ncig ntawm cov tsev kawm ntawv los, yuav pom cov me nyuam thiab lwm cov neeg hla kev nyob hauv txhua txoj kev hauv cov cheeb tsam neeg nyob. Saib txhua txhia qhov chaw tsam muaj cov me nyuam thiab lwm cov neeg hla kev. Maj mam thaum twg muaj neeg hla kev kom lawv thiab li muaj kev ruaj ntseg. Zam rau cov neeg hla kev ntawm tag nrho cov kab hla kev, txawm tias cim muaj txoj kab hla kev los sis tsis muaj.

Yog xav paub ntxiv txog Kev Ruaj Ntseg Ntawm Cheeb Tsam Tsev Kawm Ntawv los sis lwm cov teeb meem txog kev tsheb mus los nug tau rau

Lub Nroog Madison (City of Madison)  
Pawg Xyuas Txog Kev Teeb Tsa Cov Kev Tsheb Khiav Mus Los (Traffic Engineering Division)  
215 Martin Luther King, Jr. Blvd., Suite 100  
PO Box 2986  
Madison, WI 53701-2986

608-266-4761 (suab)  
608-267-1158 (fax)

[www.cityofmadison.com/trafficengineering](http://www.cityofmadison.com/trafficengineering)

Lub Nroog Madison (City of Madison)  
Tub Ceev Xwm (Police Department)  
211 S. Carroll Street  
Madison, WI 53703

Chaw Xa Tub Ceev Xwm Tawm Thaum Tsis Muaj Xwm Ceev: (608) 255-2345

<http://www.cityofmadison.com/police/>



Daim ntawv qhia no yog tsim tawm los ntawm Lub Nroog Madison Pawg Xyuas Txog Kev Teeb Tsa Cov Kev Tsheb Khiav Mus Los (Traffic Engineering Division) thiab Tub Ceev Xwm.

Lub Peb Hlis Ntuj 2015

# KEV RUAJ NTSEG NTAWM CHEEB TSAM TSEV KAWM NTAWV



*Cov Lus Qhia Txog Kev Tsheb Khiav Mus Los*

**TSAV TSHEB ZE COV  
TSEV KAWM NTAWV  
Cov Paib Qhia Ceeb Toom**

**COV PAIB CEEB  
TOOM UA NTEJ TIAS  
MUAJ TSEV KAWM  
NTAWV**

mas txhos ua ntej ntawm cheeb tsam tsev kawm ntawv, thiab tej zaum txhos ua ntej cov kab hla kev uas cov me nyuam siv thaum lawv mus thiab los ntawm tsev kawm ntawv. Cov paib no yog los qhia rau cov neeg tsav tsheb tias muaj ib lub tsev kawm ntawv nyob ze ntawd. Koj yuav tsum tau saib ntsoov tsam muaj cov me nyuam hla kev, maj mam thiab npaj nres thaum muaj me nyuam nyob rau ntawd, thiab zam rau cov me nyuam uas hla kev ntawm txoj kab hla kev.



**COV PAIB HLA KEV  
MUS KAWM NTAWV**

mas txhos rau ntawm cov kab hla kev uas cov me nyuam siv thaum lawv mus thiab los ntawm tsev kawm ntawv. Tej zaum yuav muaj cov kab hla kev nyob rau ntawm cov kev tshuam los sis ntawm ib nrab kev uas hla ntawd.



Yuav tsum tau zam rau cov neeg hla kev ntawm cov kab hla kev. Nco ntsoov tias tsis muaj cim qhia rau tag nrho cov kab hla kev. Ib txoj kab hla kev mas yog ib txoj kev txuas cov ntug kev rau neeg mus uas hla ib txoj kev ntawm kev tshuam, txawm tias yuav cim qhia txog txoj kab hla kev los sis tsis qhia.

Ib txoj kab hla kev tseem yuav muaj ntawm ib nrab kev yog tias cim los sis muaj paib qhia ntawm qhov chaw hla. Vim tias muaj ntau cov tsev kawm ntawv uas nyob rau ib nrab kev, tsis yog nyob rau ntawm ces kaum, feem ntau muaj cov kab hla kev uas nyob ib nrab kev ntawm lub tsev kawm ntawv.

**TSAV TSHEB ZE NTAWM COV  
TSEV KAWM NTAWV  
Pub Khiav Ceev Npaum Cas**

**PUB KHIAB CEEV  
NPAUM CAS NTAWM  
TSEV KAWM NTAWV**

Qhov pub khiav ceev ntawm cov kev txuas rau lub tsev kawm ntawv, thiab cov kev hla mus kawm ntawv, yog teeb tsa los ntawm xeev cov cai uas yog 15 mph tshwj tsis yog tias muaj daim paib qhia lwm yam. Feem ntau Madison txhos cov paib ntawm cheeb tsam tsev kawm ntawv thiab ntawm cov kev hla mus kawm ntawv ua khiav ceev tau txog 20 mph.

Siv qhov pub khiav ceev npaum cas no thaum cov me nyuam mus kawm ntawv los sis rov qab tom tsev kawm ntawv los, thaum twg cov me nyuam ua si ntawm ntug kev rau neeg mus los sis nyob ze ntawm lub tsev kawm ntawv, los sis ntawm kev tshuam los sis ntawm ib nrab kev hla uas muaj daim paib qhia tias Me Nyuam Hla Kev Mus Kawm Ntawv.

Tseem siv qhov uas txo qhov pub khiav ceev npaum cas no thaum muaj tsev kawm ntawv ib tug neeg qhia neeg hla kev ntawm txoj kab hla kev thaum muaj me nyuam hla kev mus kawm ntawv los sis tso los sis tshem cov pob liab (cones) hauv txoj kev ze ntawm txoj kab hla kev thaum uas muaj me nyuam hla kev mus kawm ntawv.

Txawm tias ntau lub tsev kawm ntawv hauv Madison muaj daim paib Pub Khiav Ceev txog 20 Vim Muaj Tsev Kawm Ntawv txhos rau ntawm cov kev uas muaj tsheb khiav coob coob los, tej zaum lawv tsuas muaj cov Paib Qhia Ua Ntej Tias Muaj Tsev Kawm Ntawv txhos rau ntawm cov kev me uas nyob txuas ntawd xwb. Cov paib Ceeb Toom Ua Ntej Tias Muaj Tsev Kawm Ntawv mas cim txog ib cheeb tsam uas siv qhov pub khiav ceev npaum cas vim muaj tsev kawm ntawv tsuav yog muaj me nyuam nyob rau ntawd, txawm tias yuav muaj ib daim paib qhia tias pub khiav ceev npaum cas vim muaj tsev kawm ntawv los sis tsis muaj. Qhov pub khiav ceev npaum cas yuav yog 15 mph ntawm txoj kev uas tsuas muaj daim paib Ceeb Toom Ua Ntej Tias Muaj Tsev Kawm Ntawv.



**COV NQI NPLUA SIAB ZOG**  
Cov nqi nplua rau qhov tsav tsheb ceev hauv cheeb tsam tsev kawm ntawv los sis ntawm qhov chaw me nyuam hla kev mus kawm ntawv mas yuav yog ob npaug.




**TSAV TSHEB ZE  
TSEV KAWM NTAWV  
Nres, Nyob Tos thiab Nres Tsheb**

**COV PAIB TSIS PUB  
NRES NYOB TOS LOS SIS  
NRES TSHEB** thiab lwm cov paib uas muaj feem mas siv txhos rau ntawm cov chaw uas nres tsis tau los sis nres tsheb tos tsis tau. **Hauv cov cheeb tsam no, koj yuav tso tsis tau ib tug me nyuam, tos ib tug me nyuam, nyob hauv tsheb tos, los sis nres koj lub tsheb rau ntawd.**

**COV PAIB TSIS PUB  
NRES TSHEB THAUM  
MUAJ KAWM NTAWV** thiab lwm cov paib uas muaj feem ntawd qhia txog cov cheeb tsam uas koj yuav nres tau thiab tso neeg tawm tau, tiam sis yuav nres tsis tau koj lub tsheb rau ntawd yog koj tsis nyob ntawd zov. Siv cov paib no rau hauv cov cheeb tsam uas niam txiv yuav tso tau los sis tos tau lawv cov me nyuam ze ntawm cov tsev kawm ntawv. **Nyob rau hauv cov cheeb tsam no, koj yuav tso tau los sis tos tau koj tus me nyuam, tiam sis koj yuav tsum tau nyob twj ywm hauv tsheb.**

**Cov paib qhia tias Nres Tau 10 Feeb** mas siv ze rau cov tsev kawm ntawv hauv cov cheeb tsam uas qhia rau cov neeg tsav tsheb tias yuav nres tsheb tau ib pliag thiab muab qhov chaw ntawd ua ib qho chaw rau lwm cov neeg los nres tsheb tos ib pliag. Piv txwv li, thaum xa ib tug me nyuam kawm ntawv tuaj thiab yuav tau nrog tus me nyuam nkag mus rau hauv tsev



kawm ntawv es pab nqa cov khoom loj mus rau hauv tsev kawm ntawv, tos ib tug me nyuam mob hnuv ntawd, lwm yam zoo li no.

**TSAV TSHEB ZE COV  
TSEV KAWM NTAWV  
Nres, Nyob Tos, Nres Tsheb (txuas mus)**

**Xeev cov cai txwv tsis pub Nres, Nyob Tos, thiab/los sis Nres Tsheb hauv cov chaw nram qab no txhua lub sijhawm, txawm tias muaj paib qhia los sis tsis muaj los qhia txog cov kev txwv no.**

**Txwv tsis pub Nres, Nyob Tos los sis Nres Tsheb**

- Hauv txoj kev tshuam.
- Ntawm txoj kev hla.
- Ntawm cov ntug kev neeg taug los sis cheeb tsam muaj txoj kev taug.
- Ib sab ntawm txoj kev uas muaj tsheb nres lawm (nres ua ke sib puab).
- Lwm qhov chaw uas txwv tsis pub nres, nyob tos los sis nres tsheb uas muaj paib txhos qhia.

**Txwv tsis pub nres tsheb**

- Hauv cheeb tsam tos neeg.
- Li ntawm 10 feet ntawm lub taub dej (fire hydrant).
- Li ntawm 4 feet ntawm qhov chaw nkag rau hauv txoj kev me (alley) los sis ib txoj kev muaj tswv los sis kev tsheb ntawm tsev.
- Li ntawm 15 feet ntawm ib txoj kev hla.
- Lwm qhov chaw uas txwv tsis pub nres tsheb uas muaj paib txhos qhia.

**TSAV TSHEB ZE COV  
TSEV KAWM NTAWV  
Lem Rov Qab (U-Turn)**

Kev lem rov qab yuav ua rau qhov tsheb khiav mus los ntawd txawv uas yuav ua rau cov me nyuam fem feeb thiab ua rau muaj tsheb coob ntxiv hauv cheeb tsam muaj tsev kawm ntawv. Thaum xa me nyuam mus kawm ntawv, los sis tos me nyuam tom qab ntawd, thov tsav raws txoj kev koj mus. Lug kev ntawm nplauv kev es tsis txhob lem rov qab los sis lem ntawm txoj kev me ntawm tsev. Koj yuav tau ib daim pib yog lem rov qab ntawm ib qho chaw uas lem tsis tau yam ruaj ntseg los sis yuav cuam tshuam nrog lwm cov tsheb. Cov cheeb tsam muaj tsev kawm ntawv mas feem ntau yog cov chaw uas kev lem rov qab (u-turn) yuav tsis ruaj ntseg.